


**VASHINGTON**

Naša zemlja dala doprinos globalnoj borbi

# BiH na listi koalicije protiv terorista IS-a!

Poduzete mjere protiv odlaska dobrovoljaca na inicijativu Radončića, a ideologiju Islamske države osudili svi vodeći islamski autoriteti • Obama nastavlja okupljanje koalicije

Bosna i Hercegovina nalazi se na listi zemalja koje su uključene u globalnu antiterorističku koaliciju protiv radikalne terorističke organizacije Islamska država iz Sirije i Iraka, zvanično je saopćio američki Stejt department, otkriva „Dnevni avaz“.

Američki predsjednik Barack Obama (Barack) i zvanični Vašington, naime, već sedmicama okupljaju države u koaliciju koja će zaustaviti širenje organizacije koja je zaposjela teritorije u Iraku i Siriji i proglasila paradržavu. Na listi se do sada nalaze 53 države, među kojima su i Hrvatska i Srbija iz ovog regiona.

## Svijet u šoku

Teroristi IS-a svijet su šokirali ne samo radikalnom ideologijom nego i

pogubljenjima stranih zarobljenika, novinara i humanitaraca. Snimke pogubljenja objavljivali su na internetu, šireći strah na Bliskom istoku, ali i širom svijeta.

Cilj ove koalicije, kako se navodi u saopćenju, jeste poduzimanje globalne akcije za sprečavanje širenja, ali i potpuno uništenje ove organizacije, koju su oštro osudili i svi relevantni islamski autoriteti iz cijelog svijeta.

Veliki broj država doprinio je vojnim naporima za borbu protiv IS-a, dajući naružanje, opremu i obuku. Države iz Evrope i s Bliskog istoka ponudile su učešće u zračnim napadima. Ali, međunarodni naponi ne bi trebali uključivati samo vojnu akciju - navodi Stejt department.

## Policija i pravosuđe dobili snažan alat

Bosna i Hercegovina jedina je država u regionu koja je Krivičnim zakonom sankcionirala odlazak svojih državljana na ratišta i priključenje stranim paravojnim formacijama.

Usvajanjem takvih odre-

dbi Ministarstvo sigurnosti BiH je dalo snažnu polugu policijskim i obavještajnim agencijama te Tužilaštvu i Sudu BiH da poduzmu zakonske aktivnosti na sprečavanju i sankcioniranju aktivnosti koje osuđuje cijeli svijet.

Antiteroristička koalicija uključuje, kako je rečeno, pet ključnih mjera.

## Osuda ideologije

Vojna pomoć partnerima u Iraku, sprečavanje dolaska stranih boraca, borba protiv finansiranja IS-a, humanitarna pomoć i delegitimizacija ideologije Islamske države - poručuju Amerikanci.

Do sada je Bosna i Hercegovina poduzela mjere za sprečavanje odlaska dobrovoljaca usvajanjem zakona prije nekoliko mjeseci na prijedlog tadašnjeg ministra sigurnosti BiH Fahrudin Radončića, a vrhovni vjerski autoriteti iznijeli su protivljenje ideologiji koja je potpuno strana islamu.

Ovo je samo dio naših partnera u ovoj globalnoj borbi. Očekujemo da njihov broj raste - rečeno je u saopćenju u kojem su pobrojane sve države koje su se već priključile koaliciji i čiji se doprinos izuzetno cijeni.

Stručnjaci procjenjuju da je za svrstavanje

BiH u antiterorističku koaliciju mnogo doprinio profesionalan i efikasan rad, između ostalih, i Obavještajno-sigurnosne agencije BiH te nedavna akcija Državne agencije za istrage i zaštitu (SIPA) pod kodnim nazivom „Damask“.

T. LAZOVIC

### A Global Effort to Support Iraq and to Defeat ISIL

The breadth and diversity of countries and organizations making demonstrate the global and unified nature of this fight. Below are the countries and commitments to date. This is an ongoing effort, and we expect

Albania	Germany	The Netherlands
Andorra	Greece	New Zealand
Arab League	Hungary	Norway
Australia	Ireland	Oman
Austria	Iraq	Poland
Bahrain	Italy	Portugal
Belgium	Japan	Qatar
Bosnia	Jordan	Republic of Korea
Bulgaria	Kosovo	Romania
Canada	Kuwait	Saudi Arabia
Croatia	Lebanon	Serbia
Cyprus	Lithuania	Slovakia

Faksimil saopćenja State departmenta: I BiH na listi

## Obama: Vodit ćemo koaliciju

Obama je jučer izjavio da će iskoristiti Generalnu skupštinu UN-a kako bi apelirao za širu međunarodnu koaliciju protiv pobunjeničke organizacije Islamska država.

Nije samo Amerika protiv Islamske države, nego su ljudi iz ove regije protiv nje. Svijet je protiv

Predvodit ćemo veliku koaliciju naroda koji imaju interesa za ovu borbu - kazao je američki predsjednik i ocijenio da je više od 40 zemalja predložilo da učestvuju u kampanji protiv Islamske države, s opremom, obukom, humanitarnom pomoći i zračnim borbenim misijama.



**OBAMA:**  
Lider borbe protiv terorista